

Bingzgoj: “Haihag Dangzgoq Daih’ it” Son’ gyauq Couqmaenh Gij Eiqsik Caezcaemh Cunghvaz Minzcuz

平果:“开学第一课”从铸牢中华民族共同体意识开始

8 nyied 31 hauh, bi 2023 aen yozgiz seizcou hainduj la, bak caetcib gouj aen siujyoz、youwzyenz Bingzgoj Si haihag lo. Gak gaep gak loih hagdangz guh cawjdaez banhoih、swng guekgeiz、hai dienjlaex haihag、guh hozdung “vwnzva minzcuz haeuj

hagdangz” daengj. Neix dawz gij cingsaenz Ngeihcib Daih Aendangj、couqmaenh gij eiqsik caezcaemh Cunghvaz Minzcuz、son’ gyauq gyaezguk cuji、dawz anhcenz haeujsim daengj yungzhaeuj dangzgoq songyauq swhsienj cwngci——haihag

dangzgoq daih’ it bae.

Seizneix, daengx si miz cib fanh lai boux lauxsae lwghag cungj hwnj le dangzgoq son’ gyauq swhsienj cwngci. Yienghde hawj gyoengq lwghag gagrox gyaezmajj guekcoj, doidoengh son’ gyauq minzcuz doxgiet

haeuj hagdangz、dingq haeujsim, gyagiengz “haj aen nyinhdoengz”, hawj naedceh couqmaenh gij eiqsik caezcaemh Cunghvaz Minzcuz doekrag ndawsim lwghag.

(Lij Gyanghlanz/李江兰)



▲Fuk veh dajdak gyaundeiz seizcou.

Lungzswng: Mbanjcuengh Ndawrungh Nyaengq Dajdak

龙胜:深山壮寨“晒秋”忙

Gaenq gvaq cawqsawq, begloh yaek daengz. Lungzswng Gak Cuz Swciyen Lungzciz Cin Mbanjcuengh Majhaij nyaengq dajdak doxgaiq. Dieg de gak minzcuz vunzlai swnh mbwn gvengq youq daizdangq、gwnzranz、diegdangz daengj dak doxgaiq sou ma haenx. Lwgmanh hoengzfwgfwg、haeuxyangz henjrwgrwg, caeuq doengh gij ranz cienzdoengj “veh” ok fuk veh dajdak gyaundeiz ndeu.

(Veiz Gizyangz/韦吉阳 Yiz Linz/于琳)



▲Vunzlai swnh mbwn gvengq dajlangh haeuxyangz yaek couxiuj.

Gwnz Dahyungzgyangh Lienh Cauhruz Yaek Camgya Ruzlungz Doxdax

融江河上备战龙舟赛

Laeabdaeb geij ngoenz, bouxguhnaz Yungzanh Yen laebbaenz doengh aen doih ruzlungz, youq gwnz Dahyungzgyangh lienh cauhruz. 9 nyied 28 hauh daengz 30 hauh, gyoengqde yaek camgya bi 2023 Gvangjsih Yungzanh goenghai doxdax ruzlungz caeuq Yungzanh Yen gaiq daihngaihngaih Cangzanh ruzlungz doxdax. Neix dwg aen yindung

cienzdoengj minzcuz ndeu, daengx biengz cungj yinx camgya. Guh ruzlungz doxdax ndaej dazyinx vunzlai lienh ndang, coicaenh vwnzva ruzlungz、dijyuz doxsaiq caeuq canjnieb lijyouz haeujlaeg doxyungz, doidoengh ginghci gwnzbiengz Yungzanh hwnghat youh ndei youh vaiq.

(Danz Gaijhingh/谭凯兴)



▲8 nyied 31 hauh, aen doih ruzlungz youq Dahyungzgyangh Yungzanh Yen lienh cauhruz.

Denhdwngj “Diemj Doiq Diemj” Soengq Vunz Haeuj Giyez Coengh Couhnieb

天等“点对点”送工进企助就业

8 nyied 31 hauh, Denhdwngj Yen youq diuz gai bang couhnieb Lungzyenz Segih hai aen hoih ciu vunz guhhong. Ngoenzde miz ngeihcib roek aen giyez ndadaiz ciu vunz, cuengq ok song cien lai aen vihhong. Yienh de “diemj doiq diemj” soengq doengh boux siengj youq bonjdeih ra hong haenx bae giyez yienhciegz cazyawj. Baez hoih neix yinx le haj bak lai vunz daeuj ra hong、cam hong, “diemj doiq diemj” soengq vunz haeuj giyez hix bang samcib ngeih vunz ra ndaej hong guh.

(Vangz Cwngzsungh/黄城松)



▲Bouxrahong caeuq giyez ciuvunz gangj goj guhhong cingzgvang.